



UNIVERSITÄTS-  
BIBLIOTHEK  
PADERBORN

# Waerchtighe Historie Van de Martelaers Van Gorcom

**Estius, Wilhelm**

**Antwerpen, 1604**

Capittel XV. Het leuen van P. Wilhardus Danus.

---

[urn:nbn:de:hbz:466:1-64552](https://nbn-resolving.org/urn:nbn:de:hbz:466:1-64552)



was. Doorzits wat groote gerustighepdt en ghestadighepdt des herten in hem is gheweest/ geduerende den tijdt vande ghevangenis/ wat groote neerstighepdt in te bidden / wat groote sozgh-vuldighepdt veur sijn broeders die swacker waren/ op dat sy niet en souden af-vallen / dat meyne ick uyt onse veurgaende hystorie kennelijck ghenoech te wesen. Hy was nu vijftigh iare oudt oft wat meer/ als hy deur het glorieus martyrie uyt het lichaem ghescheyden heeft beginnen met Christo te zyn.

## CAPITTEL XV.

Het leuen van P. Wilhardus Danus.

**W**ilhardus oft Wilhardus van Denemarcken gingh alle sijne mede-ghesellen verre te bouen in ouderdom van iaeren / want hy neghentigh iaeren oudt was oft seer naer by. Een man hoogh van lenghde / van aen-siechte ende gheheelen lichaeme al-soo magher / dat hy schene maer vel ouer been te wesen. Als hy in't Coningh-rijck van Denemarcken ghebozen ende op-ghevoedt ende in de Orden van S. Franciscus gheprofessiet was / heeft hem de raesende vervolginghe die teghen de Catholijcken / by-sonder Religieusen / was verweckt van daer doen blughen / ende hem vertrecken in Hollandt daer by ghelegghen : d'welck Godt al-soo heeft gheschickt / dat deur dit blughen de croone der martyrien hem niet ontnomen / maer alleenelijck uyt-ghestelt is gheweest. Aldus dan blughtigh zijnde is hy van het clooster der Minderbroederen te Gorcom minnelijck ontfanghen / en voort-aen onder-houden als hunne broeder / daer hy oock de Neder-duydtsche taele heeft gheleert / die hy in't beginsel niet en conste. In desen man was



Luc. 18.  
1. Theff.  
3.

was te mercken simpelhepdt der manieren / puer-  
hepdt des leuens / spaerighepdt der woorden. Welcke  
deughden hem by Gode ende den menschen prijs-  
lijck maecten. In der sondaren biechten te hoor-  
ren dede hy niet alleē groot profijt / maer oock groo-  
ten arbepdt ende neerstighepdt / om datter vele veur  
hem te biechten quamen midts sijne goedthepdt en-  
de vromighepdt. Al tijdt was hy / naer het bevel  
soo van Christus als vanden Apostel Paulus / be-  
commert sonder op-houden met bidden. Als hy  
verlocht wierdt van sommighen / ten tijde als de  
leste tempeest der vervolginghe teghen de heplighe  
kercke op-stondt / dat hy veur de ruste der hepliger  
kercken Gode souden willen bidden / heeft geandt-  
wooydt / dat hy dit dede ghestadighlijck dagh ende  
nacht. Ende die den man kenden / en twijfelden  
niet oft het en was waerachtigh dat hy seyde. Want  
oock naer-der-handt de moepelijckhedē der gevan-  
genisse en hebben hem van de ghestadighepdt in't bid-  
den niet connen ghetrecken. Want hy met P. Nica-  
sius geduerighlijck met gebooghde knien was bid-  
dende. Dit deden sy beyde met al-sulckē blytighepdt  
ende gerustighepdt des herten dat sy niet en schenen  
veur de benauwtheden des kerckers gequelt te wor-  
den / maer met liefelijcke spijzen vermaecht te zijn.  
Ten lesten alleē mette doot heeft dese heplige man  
een eynde ghemaecht van te bidden / om tot dat le-  
uen te gheraecken daer hy het profijt van sijn gebedt  
ende den prijs van sijn lyden met blydtschap sonder  
eynde soude ghenieten. Van sijn lijdtlaemhepdt  
ende sonderlinge sacht-moedighepdt en sal ick hier  
niet segghen / om dat daer van inde hystorie ghe-  
noegh ghemelt is.